

自敘

內經揭傷寒之症。未詳傷寒之變。自仲景辨論。分陰陽析六經。立方治。人始知傷寒之病之大。與傷寒之病之治矣。而寔未知其所以大。所以治也。傷寒之病。有傳經。有直中。有始終。不傳。有風寒交中。千態萬狀。勢如亂絲。稍涉疑似。汗吐下誤。施致生他變。又復誤治。至再至三。其焉有不斃者乎。乃猶語于人曰。吾固用仲景法。其如病之不治何。夫不知病之所犯。於臟腑經絡輕重虛實。是之何若。而但云用仲景法。其曷有濟。乃又詭言仲景但知治外感。不知治內傷。又詭言但取仲景法。不取仲景方。夫方因法立。法就方施。仲景方果不足取。仲景之法亦非法矣。不知一百一十三方。方方皆活。三百九十。七法。法法皆通。卽其法與方融會貫通之誠。有取之無盡用。

之。不。竭。者。人。顧。不。此。之。思。欲。妄。言。以。文。其。謬。可。慨。已。廿。年。來。
余。端。讀。傷。寒。書。至。百。餘。家。人。各。一。說。不。勝。繁。冗。駁。雜。之。慮。倘。
欲。學。者。如。是。以。爲。業。恐。白。首。不。獲。所。据。不。如。是。以。爲。業。又。空。
空。罔。所。識。知。廼。不。揣。著。爲。綱。目。一。書。循。六。經。之。次。析。各。款。之。
繁。以。仲。景。論。爲。綱。歷。代。諸。家。之。語。足。以。闡。明。仲。景。者。爲。目。庶。
覽。是。書。者。可。尋。流。溯。源。而。曉。然。于。仲。景。之。旨。矣。時。

乾隆三十九年甲午十一月中澣沈金鰲宰綠氏書

凡例

一是書各循三陽三陰之六經。而又析六經所發之欸症。不循經。但據欸析言之。則如各經皆有頭痛之類。難于識別。不析欸。但循經揆言之。則又依文順義。不能令讀者一覽易曉。故循經析欸。是書所由以成。

一仲景傷寒書。自叔和竄亂後。其六經條欸。凡註釋家各以意爲前後。訖無一定。獨柯氏論註。其分隸六經者。頗有理據。今綱目所定。皆依柯本。

一論者。卽仲景之傷寒論。仲景有論。繼仲景而言者。亦爲傷寒論也。

一綱也者。以爲主也。傷寒之論。初自仲景。故獨主仲景。而取其論以爲綱目也者。以爲發明也。仲景論後。說者無慮千百家。然或

偏或駁。或淺或庸。無足取者甚多。故獨採叔和以下若干家。各摘其語之尤精。且當者。以爲目。

一各經各款。引仲景之論爲綱。固已。或有遺而未備者。必其與逐款無關。不便夾入。或語意與所已錄者大同小異。故亦置之。亦有條款太繁。不必備錄者。閱者當爲意會。毋以掛漏爲咎。

一各經條款彼此相同。如各經俱備載。毋論已。其有詳于此經。不復贅于他經者。或因候治相同。或因所列之款相互。須彼此連及。故他經不必再詳。閱者當以意會。前後叅看。毋得拘泥。

一採輯前人諸說。或由理勢所及。或因仲景論之前後相附。不以世代之遠近爲拘。

一諸家方論。俱係專集。擇其至精至當者錄之。固已。駢珠刻玉。各咀其英。各擷其髓。至八癸巳春。從邑中嵇氏假得。

定古今圖書集成中藝文部按次而詳讀之。不啻深入龍宮海藏。遍賞奇寶。非復人間耳目近玩矣。私心竊喜。故特表而誌之。

目錄

卷首上 總論

脉症總論

六經主症

陰陽

卷首下 總論

表裏

傳變

愈解

卷一 太陽經症

太陽經脉

風傷衛寒傷營

發熱

卷二 太陽經症

惡熱

惡寒

惡風

振戰慄

熱多寒少

身熱惡寒身寒惡熱

下之熱不退

頭痛項強

頭眩瞤冒

搖頭直視

附目中不了了

卷三 太陽經症

身搖身疼身痒 百節疼 筋惕肉瞤 脇痛

結胸 附臑結 痞 胸脇腹脹滿痛 腹中雷鳴

動氣

卷四 太陽經症

少腹硬滿 附奔豚 煩躁 咳嗽 喘 嘔吐

可吐不可吐 渴 驚悸

卷五 太陽經症

瘕 瘕瘕 不仁 發黃 如瘡 鼻衄 附鼻衄 鼻鳴

吐血 畜血 下血便膿血

卷六 太陽經症

嗜卧不卧 無汗自汗盜汗 可汗不可汗 自利

協熱利 小便自利小便數 小便不利小便難

遺溺

卷七 太陽經症

過經不解 合病併病 兩感傷寒 傷寒壞病

溫病 溫毒 風溫 溫瘧 溫疫 暑暍 濕痺

風濕 頭中寒濕 濕溫 濕熱 風寒濕雜合病

卷八 陽明經症

陽明經脉 潮熱譫狂 潮熱 熱入血室

譫語鄭聲 頭痛頭眩 附鬱冒

卷九 陽明經症

直視 嘔吐噦乾嘔欲吐欬逆 渴 漱水不嚥

鼻燥口燥舌燥咽燥 喘 心下逆滿鞭痛 附心痛

懊懣 煩躁 附怫鬱 虛煩 短氣 不得卧

身痒 身重

卷十 陽明經症

循衣摸床 自汗 盜汗 頭汗 額汗 手足汗

畜血 發狂 附如狂 發黃 便膿血 先鞭後溏

不大便 可下不可下 小便自利小便數

小便不利小便難

卷十一 少陽經症

少陽經脉 寒熱往來 面色 頭痛

耳聾目眩口苦咽乾 結胸

卷十二 少陽經症

痞滿 脇滿腹痛 嘔 發斑

卷十三 太陰經症

太陰經脉 寒寔結胸 腹滿腹痛 吐利

汗後寒熱 發黃

少陰經脉 表熱裏寒表寒裏熱 面色 鼻衄

頭痛眩冒 欬 悸 渴 漱水不嚥

卷十四 少陰經症

咽痛咽乾口燥 附不能言 煩躁 腹痛 身痛

踰卧 但欲寐 不得卧 手足厥逆 手足溫

嘔吐下利 便膿血 下利清穀 小便利不利

卷十五 厥陰經症

厥陰經脉 吐衄 氣上衝心 除中症 腹滿痛

胸脇滿痛 少腹滿急 囊縮 手足厥逆

熱利下重 便膿血

卷十六 傷寒後症

陰陽易 勞復食復 諸寒熱症 瘥後諸病

婦人傷寒

沈氏尊生書卷首上

傷寒論綱目

傷寒脉症總論

鰲按仲景自序云著傷寒雜病論十六卷仲景原書固合傷寒雜病而爲一也迨叔和編次始分傷寒雜病爲兩書於本論削去雜病然論中雜病留而未去者正多於是仲景原書後人不得一見叔和後註釋者不下什百家又各以意顛倒紛紜傳會更兼日久殘闕仲景之原文益失仲景之書益難讀矣鰲今輯傷寒論綱目分條析款各循六經分次而其論有不得分屬六經者因輯脉症總論六經主症陰陽表裏傳變愈解六篇冠于前以爲卷首又輯諸寒熱症陰陽易勞復食復百合病狐惑病陰毒陽毒陰陽

交瘥後諸病婦人傷寒十篇。次于六經之後。實不免剪綴割裂之譏。然仲景原書。既不復覩。而苟可以發明仲景之書之旨。將質諸冥冥。仲景當亦曲恕。而不以剪綴割裂爲余首罪也。閱者其更諒之。

綱

仲景曰。病有發熱惡寒者。發於陽也。無熱惡寒者。發於陰也。

目

朱肱曰。太陽陽明少陽。皆陽症也。桂枝湯。麻黃湯。大青龍湯。

治太陽傷風寒也。大柴胡湯。大承氣。小承氣。調胃承氣湯。治陽明傷寒也。小柴胡湯。治少陽傷寒也。其他藥皆發汗吐下後症也。若陽氣獨盛。陰氣暴絕。卽爲陽毒。當以酸苦之藥投之。令陰氣復。而大汗解。如苦參。大青。葶藶。苦酒之類。皆復其陰氣也。微止用苦。甚則兼用酸苦。折熱復陰。若熱極發厥。陽症似陰者。當以脉別之。太陰少陰厥陰。皆陰症也。三陰中寒微。則理中湯稍

厥或中寒下利乾姜甘草湯大段重者四逆湯無脉者通脉四逆湯若陰氣獨盛陽氣暴絕則爲陰毒急灸臍下服以辛熱之藥令復陽氣而大汗解如桂枝甘草乾姜附子之類能復其陽氣也微用辛甘甚則用辛苦若陰極熱躁陰症似陽者亦當以脉別之

戴元禮曰凡治傷寒須辨陰陽二候陽經有三陰經亦有三經之陰陽以臟腑言腑陽臟陰也病之陰陽乃是外邪之陰陽陰氣陽氣也病在太陽則熱在皮膚之分翕翕怫怫而熱便有頭疼惡寒體痛其脉浮緊病在陽明則熱在肌肉之分或壯熱或燔燔熱或蒸蒸熱便有頭額痛或潮熱自汗其脉長大病在少陽則必半表半裏之熱或往來寒熱便有頭角痛口苦嘔而胸滿脇痛其脉弦數病在太陰則手足漸冷脉息漸沉或自利

腹滿嘔吐不渴。病在少陰。雖發熱。手足自冷。其脈沉細。病在厥陰。則手足厥冷。甚則舌卷唇青。囊縮。其脈微緩。三陰症。雖肌表有熱。以手按之。則不甚熱。陰甚者。則冷透手也。陰陽二氣。皆能犯臟腑。故陽氣犯太陽。則爲傷風。惡風而有汗。陰氣犯太陽。則爲傷寒。惡寒而無汗。在太陽未得解。轉入陽明。少陽二經。則純乎陽。不如太陽之易治。若陽氣未能罷。以次傳入陰經。則爲陰中之陽。蓋緣陽經之陽氣。來入陰經。雖有自利。欲寢唇青厥冷。舌卷囊縮等症。亦不可妄投熱藥。宜瀉其陽之在陰經也。若陽病下之太過。陽氣已脫。遂變爲陰。所謂害熱未已。寒病復起。或初得病。便是陰症。此是陰中之陰。蓋緣陰氣攻陰經。陰自得傳。非自陽經傳來。只當以溫藥回其陽。故陽入陰者。變陽以救陰。陰入陽者。用陽以救陽。二者不可不辨。有傷寒正病。

有傷寒雜病傷寒雜病者難以正病治如病人狀症不一有冷有熱陰陽顯在目前當就其中大節先治其餘症則徐治然亦不可用獨熱獨寒之劑又如嘔渴煩熱進小柴胡湯嘔渴煩熱止矣而下利不休以小柴胡爲非則嘔渴煩熱不應止以爲是則下利不應見吐利厥逆進姜附湯吐利厥逆止矣而熱渴譫語昏不知人以姜附湯爲非則吐利厥逆不應止以爲是則熱渴譫語不應見此亦傷寒雜病雖無前項冷熱二症顯然並見之迹而陰中有陽陽中有陰潛伏其間未卽發見用藥一偏此衰彼盛醫者當于有可疑之處能反覆體認無舉一廢一則盡善矣

婁全善曰素問云脉從而病反言症似陽者脉亦從症似陽而其病反是寒也症似陰者脉亦從症似陰而其病反是熱也故